



სსიპ გარემოსდაცვითი ინფორმაციისა და განათლების ცენტრის სერვისები

❖ გარემოსდაცვითი მმართველი

გარემოსდაცვითი ინფორმაციისა და განათლების ცენტრი ატარებს გარემოსდაცვითი მმართველის სასწავლო კურსს. კურსის მიზანია კანონით დაკისრებული მოთხოვნებისა და თანამედროვე სამყაროს სტანდარტების გათვალისწინებით კომპანიებისთვის შესაბამისი კადრის გადამზადება და კვალიფიკაციის ამაღლება. კადრებს, რომლებიც შეძლებენ ნარჩენების მართვის გეგმის მომზადებასა და განახლებას, ნარჩენების მართვის გეგმის განხორციელების ორგანიზებას, ნარჩენების მართვის სფეროში საქართველოს კანონმდებლობის მოთხოვნების შესრულებაზე თვითმონიტორინგისა და შიდა კონტროლის განხორციელებას.

კურსის ღირებულება - **560.50** ლარი

❖ მემაცივრე-ტექნიკოსების სერტიფიცირება

2018 წლის 1 იანვრიდან მაცივარაგენტზე მომუშავე მოწყობილობების მომსახურების უფლება აქვს მხოლოდ საქართველოს კანონმდებლობით დადგენილი წესით სერტიფიცირებულ ტექნიკოსს. სერტიფიცირების ვალდებულება 2019 წლის 1 იანვრიდან ვრცელდება იმ ტექნიკოსებზე, რომლებიც ემსახურებიან 3 კგ-ზე ნაკლებ მაცივარაგენტზე მომუშავე ჰაერის კონდიციონერებისა და სამაცივრო მოწყობილობებს ან/და ტუმბოებს.

სერტიფიცირების ჩატარებასა და შესაბამისი სერტიფიკატის/მოწმობის გაცემას უზრუნველყოფს საქართველოს გარემოსა და სოფლის მეურნეობის სამინისტროს სსიპ გარემოსდაცვითი ინფორმაციისა და განათლების ცენტრი.

გამოცდის საფასური - **50** ლარი

❖ ტრენინგები

აგრარული და გარემოსდაცვითი მიმართულებით უწყვეტი განათლების ხელშეწყობის მიზნით სამინისტროს თანამშრომლებისა და სხვა დაინტერესებული პირებისთვის, მათ შორის არასამთავრობო ორგანიზაციების, მედიის წარმომადგენლებისათვის, ადგილობრივი მუნიციპალიტეტებისა და მოსახლების სხვა დაინტერესებული ჯგუფებისათვის ქვეყნის მასშტაბით ცენტრი მართავს კვალიფიკაციის ასამაღლებელ ტრენინგებს.

❖ პროექტი „მოხალისე ლექტორი“

დაწყებითი საფეხურის საგნებში გარემოსდაცვითი საკითხების სწავლების ხელშეწყობის მიზნით ინფორმაციისა და განათლების ცენტრი ახორციელებს პროექტს, რომელიც მიზნად ისახავს მოსწავლეებისა და მასწავლებლების ჩართულობის გაზრდას და მათთვის



მნიშვნელოვანი გარემოსდაცვითი საკითხების შესახებ სანდო და ამომწურავი ინფორმაციის მიწოდებას. სკოლის მასწავლებლებს და მოსწავლეებს აქვთ შესაძლებლობა თავად აარჩიონ მათთვის ყველაზე საინტერესო თემები. არჩეულ თემაზე ჩაუტარდეთ ლექციები, რომელიც სასწავლო გეგმით გათვალისწინებული საკითხების გასამრავალფეროვნებლად და მოსწავლეთა დამატებით აქტივობებში ჩასართავად გამოადგებათ.

❖ საჯარო განხილვები

გადაწყვეტილების მიღების პროცესში საზოგადოების ჩართულობის უზრუნველსაყოფად გარემოსდაცვითი ინფორმაციისა და განათლების ცენტრი ორგანიზებას უწევს სხვადასხვა ტიპის დოკუმენტების საჯარო განხილვებს დაინტერესებული საზოგადოებისათვის.

❖ საჯარო დისკუსიები

ცენტრი მართავს დისკუსიებს სხვადასხვა გარემოსდაცვით აქტუალურ თემაზე, სადაც დაინტერესებულ პირებს შეუძლიათ მათთვის საინტერესო და მნიშვნელოვანი გარემოსდაცვითი საკითხების შესახებ დასვან კითხვები და მიიღონ ამომწურავი პასუხები დარგის სპეციალისტებისგან.